

欽定剿平三省邪匪方略

欽定剿平三省邪匪方略續編卷十一

癸亥年

四月十七日辛巳惠齡奏言竊照總兵楊芳帶兵

赴秦嶺以北徧行躡緝探聞有賊匪數十人竄  
過黑河橋進兵追擊殺賊三人趕至西老君嶺  
見老林無路之處有砍倒竹箐一片似新開路  
徑正在躡尋腳蹤忽兩旁林內突出零匪二十  
餘人繞至官兵後路吶喊官兵卽分爲兩隊折

同左右衝殺戮斃賊匪七人餘匪亡命逃竄始知該匪故爲砍開路徑引誘官兵潛於兩旁埋伏等候實爲狡詐又副將吳廷剛翻過秦嶺搜遇零匪三十餘人鎗斃賊匪二人乘勢搶上陡崖又戮斃賊匪四人滾澗跌斃者數人該匪逃入太白山老林現在楊芳吳廷剛等一路向西搜進又據辦寨委員白煥文稟報在簸箕廠搜

山拏獲賊匪一名靳良兒訊係賊目靳思黃之

子臣查山內零匪約計不過七八十人惟因賊

勢渙散零星奔竄總未能痛加剿殺臣晝夜焦

思竇深憤恨奏入

上命軍機大臣傳諭惠齡曰此次楊芳吳廷剛兩路  
帶兵搜捕沿途雖有斬獲統計不過二十人總由  
官兵不能奮力搜捕以致零匪尚在竄匿日久未

能竣事惠齡著傳旨申飭太白山老林地勢遼濶  
林箐深密搜捕較爲費手朕所素知但該處老林  
如果人迹不到並無居民則零匪等窮竄至彼口  
食靡資無可搶掠勢不能久處絕地自必仍思乘  
間出竄此時官兵轉不必深入窮追但當於各隘  
口嚴密布列俟該匪等分投竄出時正可截擊淨  
盡若該處老林內亦有烟戶或有客民在彼種植

營生則竄匪等便可掠食度日惠齡卽當督飭所  
領帶兵追捕就地殲除豈賊匪能到之地官兵轉  
不能窮其所向乎

十八日壬午吳熊光奏言據副將呢瑪善等稟報

苟逆餘匪於初一日由馬良坪漂草河竄至南  
漳土地壩直撲大興寨經寨勇擊退該匪繞由  
涼峪里奔突又經紅崖寨勇施放鎗礮擊傷賊

匪數名追至桑榆坪又殺傷賊匪十餘人惟練  
勇孟冠隆郝正光孟洋衝入賊隊被賊戳傷陣  
亡該匪向北竄逃適慶溥由西北攔截而來該  
匪又折回東南遇副將呢瑪善帶兵趕到賊匪  
瞥見官兵卽搶上長嶺山恃險岫守呢瑪善與  
叅將王占鰲遊擊李東宣等分路轟擊殺斃賊  
匪二十一名生擒四名餘匪向東奔竄又遠安

縣地方委員黃世珍帶同寨勇殺賊七名賊折  
向東湖奔竄並據歸州稟報千總余大年等殲  
斃賊匪六名生擒二名又據辦理團寨委員裴  
大文搜獲逃賊一名南鄉寨勇擒獲執旗賊匪  
僞先鋒劉開相一名據供係龍紹周餘黨曾與  
劉渣鬍子熊翠合夥充當僞先鋒又據竹谿縣  
知縣徐如灝探報四川提臣豐紳追趕零匪數



十人逃入竹谿拂葉崖地方經提臣楊遇春督  
兵殲斃十餘名生擒數名各等語

臣

查此時楚

省二竹境內零匪無多似因聞川陝大兵入楚  
又折回西竄至苟逆餘匪據探報已竄至東湖  
霧渡河焦贊垵一帶聞該匪隨路揚言或云投  
誠或云散夥揣度其意自因現值青黃不接居  
民歸寨艱於掠食又見大兵雲集藉此懈我軍

心臣已嚴飭各鎮將加緊分投剿辦不可誤聽

謠言現據糧員王榆勲稟報叅贊德楞泰已於  
初七日行抵興山之黃連坪得此勁旅迎頭截  
剿自當悉數殲除奏人

上命軍機大臣傳諭德楞泰吳熊光曰吳熊光奏苟  
逆餘匪竄至南漳經委員及寨勇等追殺十餘人  
慶溥呢瑪善兩路截殺又斃賊數十人該匪現竄

東湖有慶溥吉林泰呢瑪善等分路兜圍德楞泰亦馳抵興山自西而東現在賊匪勢已窮蹙當此青黃不接無食可掠緊躡追剿可期一鼓殲除勿留遺孽德楞泰旣已移師入楚所有楚境之賊卽責成伊一手辦竣據摺內稱二竹境內零匪無多自係聞川陝大兵入楚又思折回西竄德楞泰當督飭將領卽在楚境就地殲除不可讓其深竄入

川再行兜截一面知會豐紳等在川省邊境嚴密  
堵禦預截賊匪西竄之路伊緊躡賊蹤使賊匪前  
有攔截後有追躡無路竄逸方可尅期肅清斷不  
得輕信賊匪投誠之言致辦理稍有鬆勁所有殺  
賊之陣亡練勇孟冠隆郝正光孟洋俱著咨部賜  
卹

同日勒保奏言前此臬司劉清原辦招撫之八

九十人所遣軍功人等被其戕害因該匪仍在

南江廣元一帶游奕

臣

節次嚴催上緊追捕茲

據臬司劉清稟稱該司所派軍功臧青雲等帶

領鄉勇探賊追剿於三月十九日探得該匪竄

走南江所屬之白頂子地方卽帶勇馳往截擊

該匪等一見兵勇並不抗拒但言情願投順不

必追擊臧青雲詢係何號餘黨該匪聲稱我們

共是三起一起藍號張揚爲首帶領十五人一起黃號何悠然爲首帶領二十六人一起白號吳青揚爲首帶領四十九人新近合夥聞各處出示招撫我等皆願投出賊青雲又詰以爾等旣願投順因何前日將差去軍功李植德僧人通添等殺害該匪又云前日李植德等前來招撫我們已經說定全夥投出走到李家營地方

又有一起賊匪四五百人竄來李植德等也要一併招撫往他們管內說話那些賊將李植德通添等殺害我們聽見事體鬧壞了大家害怕就分路走了我們既要投出如何敢將招撫的人殺害呢臧青雲見該匪言語真切卽令該匪等將器械呈繳一一點收其時劉清正在廣元防守臧青雲卽將張揚何悠然吳青揚等首夥

共九十三名帶赴廣元經劉清督同保寧府知  
府言朝標廣元縣知縣葉文馥等逐一查訊該  
匪等俱情願就撫屬實劉清復恐軍功李植德  
等卽係此起賊匪殺害畏罪抵賴隔別嚴訊衆  
供如一確係誠心悔罪投誠臣查該犯等本係  
被脅入夥之人悔罪來投劉清所遣軍功人等  
並非該犯等所害其情尚有可原自當欽遵節



次所奉

恩旨免其一死下現飭劉清查明各該原籍分別遞  
回並令宣示

天恩不可再取罪戾飭沿途州縣妥爲護送仍令本  
籍地方官取保安插勿任游蕩無歸奏入

上命軍機大臣傳諭勒保曰此次臬司劉清派令軍  
功臧青雲探賊追剿有監號張揚黃號何悠然白

號吳青揚三起賊匪共九十三名一見兵勇棄械  
投誠匪徒等從賊日久均屬罪無可赦今念其悔  
罪來投貸其一死原屬格外施恩仍當隨時留心  
防範勿涉大意蓋此等夥匪甫從賊中投出情性  
狡詭反覆靡常若令其聚處一方復恐糾合滋事  
總須設法散置各州縣嚴爲鈐束倘稍有滋事卽  
應嚴辦示懲若仍思蠢動則當立行正法勒保斷

不可存姑息之見以致別生事端其招撫賊匪多名之軍功臧青雲著賞戴藍翎勒保現在綏城養病雖未能親身督剿但伊係本省總督仍當飭催各路將領將川境零匪迅速辦竣勿稍延玩

二十一日 乙酉 額勒登保奏言竊查總兵田朝貴

向西探剿成股之賊於初二日在西壩梁抄及賊尾殺賊數名該匪分爲兩股一股東走太平

境內一股竟向陝境狂奔臣親督田朝貴王兆

夢趕剿入陝之賊該匪東奔節草壩混人坪距

江岸僅二百餘里臣遂派王兆夢帶兵趕至白

圪峽茶鎮顧定江岸該匪知北面已有官兵卽

東奔紫陽境內經防堵麻柳壩總兵劉瑞帶兵

馳抵大壩塘河岸扼截初六日半夜大雨該匪

乘夜衝卡劉瑞督兵出卡迎擊擊斃賊匪五名

該匪因各路均有官兵並因溪河漲發不能淌

渡仍折回南竄

臣

初八日行抵葉家壩探悉該

匪由螞蝗埡一帶竄來

臣

查察該處地勢鹿池

山有路可通光棍嶺皮貨舖爲賊匪奔竄熟徑

必須迎頭截殺遂派叅將哈豐阿等翻鹿池山

老林捷徑抄赴光棍嶺

臣

率領馬隊策應初十

日午刻至天星寨見該匪約三百餘人由沙河

子搖旗結隊向光棍嶺而來前隊哈豐阿等直  
前迎殺立斃賊數名有賊目二名執旗迎敵又  
經兵勇直前戳斃

臣

督催馬隊由山腰趕剿該

匪翻山紛竄我兵追殺六七十里當經各兵勇  
繳到活賊五十六名耳記三十二副查訊獲犯  
內有僞元帥陳以皓僞先鋒楊開祿旗手金均  
受三名據供在鹿皮山被剿後齊頭領斬元帥

李先鋒帶了一百四五十人往太平去了趙元帥是襄陽人不知名字帶了我們約有三百來人就走陝西遇官兵堵住把兩個旗手戳倒我們被拏等供隨據探報該匪又分三股一股由深碛子向西奔逃一股北竄祖師殿一帶一股奔向西北龍頭寨臣查田朝貴帶兵現自東北而來即可探剿奔竄祖師殿之零匪其奔竄龍

頭寨之百餘人臣親督唐文淑哈豐阿等躡蹤

搜洗復傳知總兵劉瑞等趕剿由深碕子西竄

之賊又據楊遇春呈報前在後河剿剩賊匪翻

林狂竄經副都統銜噶拉副將張瑗叅將祝廷

彪等帶兵緊躡在燈盞窩進剿該匪屯紮空房

有候補守備千總齊慎把總趙起貴外委唐俸

等首先跳牆撲進各斃數賊兵勇乘勢攻入共



殺賊數十人生擒三十六名訊據獲犯僉供所  
跟先鋒張老么已被官兵戮死等供隨探有另  
股賊匪二百餘人由九道梁竄至兩河口一帶  
張瑗祝廷彪已帶兵星往圍剿其分股竄走太  
平之賊達斯呼爾岱羅聲臯已取道河神溪白  
沙河探剿至前此苟逆餘匪本有一百餘人在  
川邊橫山子黃墩一帶老林伏匿經兵勇分路

搜剿該匪由羊甘河欲入陝界賽冲阿官兵顧  
定西面堵截總兵喜明帶兵在東面八百溪迎  
剿柯潘帶兵向八仙河截擊該匪翻山竄遁老  
鴉畔楊遇春復帶兵顧北截擊在白巖老林殲  
斃數名該匪卽竄化龍山由黃泥壩竹河竄入  
楚界查黃泥壩在雞心嶺之下係鎮坪所屬相  
距營卡五十餘里乃總兵喜明所管而鎮坪有

都司許紹公帶兵三百名因聞賊信已帶兵向大莊溪出擊不能兼顧該匪竄入楚界之後楊遇春同侍衛噶拉等分投抄剿該匪向東南狂奔與楚中別股零匪合夥竄向白河口而去適又探有賊匪二百餘人在後河林內遂就近連夜圍剿殲獲七十餘名訊係由巴巫交界向家壩竄入竹谿之賊又趕至房竹之燈盞窩復剿

殺七十餘人一面仍探剿苟逆合股餘匪查賽  
冲阿專司防堵並未踈縱楊遇春兼司探剿得  
有殲擒總因三省邊界老林易於奔竄伏匿以  
致搜捕遲延臣已嚴飭上緊跟追盡力搜捕勿  
稍疎懈以期迅速肅事奏入

上命軍機大臣傳諭額勒登保曰川境合竄夥匪思  
欲竄過漢江遁入南山額勒登保督兵顛住江岸

使賊匪不能竄入該匪經截回後復思逃回太平  
額勒登保又督率將領繞前截擊雖擒獲不過五  
六十名然已將僞元帥僞先鋒等拏獲餘匪亦分  
作三起零星散竄其殘敗之勢實已毫無伎倆額  
勒登保現飭分投剿辦總須自北而南由東而西  
殲除務盡其東走太平之一百三四十人據活賊  
供稱有齊國典帶領逃走額勒登保當飛飭達斯

呼爾岱等上緊追剿勿任遠竄至前此陝匪由鎮  
坪界內竄入楚境係總兵喜明及都司許紹公所  
轄該鎮等先已帶兵深入化龍山大莊溪追賊不  
能遠顧其疎防自尚可原但伊等越境剿賊於本  
管地方亦應留兵防範何至守備空虛竟任賊匪  
來往自如此時雖不必遽加譴責亦應傳諭該鎮  
將等令其感愧立功力圖自贖現在奔竄餘匪其

緊要頭目祇剩齊國典苟朝九二犯一經拏獲亦  
當酌量賞給其餘俘擒賊夥俱照軍營向例辦理

同日德楞泰奏言前此副將張瑗叅將祝廷彪  
等並總兵慶溥副將呢瑪善等由竹房剿敗東  
奔合夥之賊據報四百多人連次追剿所剩三  
百餘人現由保康奔遠安之苟家壩有向沙地  
坡之勢初七日追至興山屬之桃子壩賊一見

官兵分爲兩股一起數十人佔住九里冲大山  
梁其勢欲斷官兵後路張瑗等酌留四川大隊  
官兵扼要截住卽率前隊兵勇趕剿正股之賊  
直至學堂坪該逆先已佔踞山梁官兵分路仰  
攻殺賊八名生擒十一名初八日趕至白菓園  
該匪搶佔山梁恃險推滾插石拚死抗拒有藍  
翎守備王元相藍翎千總齊慎千總王興把總



楊大猷額外外委周德李榮鄉勇六品軍功王  
開芳索倫額外驍騎校萬應保甲兵伊朗阿伊  
倫保等不避鋒鏑搶上山梁立斃賊十餘名官  
兵一擁齊上賊始潰敗分投追殺三十餘里又  
共殺賊三十一名生擒劉世貴等一百零七名  
滾崖跌斃及逃散者不少鄉勇軍功鄔正龍生  
擒白號僞元帥冉璠兵丁劉耀國生擒青號僞

先鋒王大美兵丁龍正貴生擒白號僞先鋒高  
元兵丁楊秀廷生擒黃號僞先鋒陳順仁鄉勇  
軍功向天宗等生擒白號僞總兵劉世貴白號  
探馬頭李玉倫黃號探馬頭張國興黃號大旗  
手陳明高所剩餘匪一百六七十人向東北段  
江歇馬河而逃張瑗呢瑪善等帶兵仍分兩路  
緊跟追剿其僞元帥冉璠等並老賊王大成等

八十七名卽分別轡割正法并訊明有戕害叅

將烏勒喜訥之探馬頭張國興一犯

臣

令其安

設靈位將該犯首級并挖取心肝致祭以慰忠

魂至此次青黃白三號駁匪極爲兇悍官兵等

奮不顧身得以痛剿實爲勇往巴結除將擒獲

僞元帥冉璠等四名及擒拏活賊之兵丁軍功

鄉勇等卽照舊按名分別給賞銀兩外所有出

力之員弁兵勇恭繕清單籲懇

聖恩格外獎賞庶該員弁兵勇感激奮興倍思圖効

又據探報歸州之香爐坪現有零匪一起一百

一二十人臣現令吉林泰等帶兵馳赴歸州就

地掃除計楚省只有吉林泰李天林並張瑗呢

瑪善所追之三起賊匪約有四百多名現在兵

力厚集可期全行廓清奏入

上命軍機大臣傳諭德楞泰曰此次東竄零匪經副將張璦呢瑪善等分投抄截併力仰攻生擒偽元帥冉璠等一百餘名其殲斃及滾崖跌斃者不少所辦尚好副將張璦呢瑪善叅將祝廷彪王占鰲均屬奮勇出力著交部議敘守備王元相千總齊慎著賞換花翎千總王興把總楊大猷外委周德李榮驍騎校萬應保甲兵伊朗阿伊倫保兵丁劉

燿國龍正貴楊秀廷蔣大猷六品軍功王開芳軍  
功向天宗俱著賞戴藍翎其生擒白號僞元帥冉  
璠之軍功卹正龍除賞戴藍翎外著再賞銀一百  
兩以示鼓勵至香爐坪一起零匪百餘人德楞泰  
現派吉林泰馳往剿辦尚恐未足深恃或德楞泰  
親赴追擊或分派得力將領協剿賊匪輾轉奔竄  
其意本欲牽綴官兵若官兵僅以驅出境外跟蹤

尾追不特徒勞跋涉疲煩兵力而賊情狡詭即使  
由楚逼竄入川安知不又從別徑繞竄楚省必致  
遷延時日倘該匪折入川境後該處竟無接辦之  
人一切軍火糧餉又未先爲預備必致有悞事機  
德楞泰惟當督飭帶兵各員將楚境所有零匪上  
緊兜圍全行辦竣

二十六日

庚寅

惠齡奏言查山內搜捕零匪據總

兵楊芳稟報搜至神凹老林見有賊匪十餘人  
當卽督率外委劉文亮軍功張成榮等截斃三  
人餘賊穿林四散跌斃四人又派外委段永福  
曾學盛等帶兵分路窮搜截斃三人又復跌斃  
四人並於崖下搜出賊匪一人一併截斃此起  
零匪均已搜殺淨盡楊芳仍帶兵向太白山大  
梁沿途搜剿督率千總張文魁截斃賊匪四人



餘賊向厚畛子一帶東竄都司祁祥由黃柏園抄擊於林箐深處搜出賊匪六人全行截斃吳廷剛一路亦督率人和寨首領王文亮轟斃賊匪二人餘賊向太平河散竄吳廷剛卽率兵緊追時河水陡漲衝沒兵丁四名過河後追抵雄黃池又率同都司朱承受張超等分投排搜張超翻下木板溝兩旁埋伏之賊突出猝不及防

張超胸受矛傷陣亡把總王登科外委劉秉義  
急前救應同時被害吳廷剛隨後趕到擊斃賊  
匪八九人生擒六名餘匪鑽林四散查現在楊  
芳由太白山排搜而下趕赴東路會同吳廷剛  
協力搜洗臣亦卽由九尺壩一帶督催前進期  
將此數十零匪迅速辦盡再據報額勒登保痛  
剿賊股該匪被剿情急又分三股逃遁臣恐該

匪乘間偷渡漢江逃避南山搜捕更爲棘手當  
卽派令遊擊成宗武挑帶官兵三百餘名趕赴  
七星壩江岸一帶巡邏防範並飛飭沿江各廳  
縣將江面船隻全數撤歸北岸分派丁役在於  
各渡口嚴密盤查以防該匪假充兵勇冒混過  
江奏入

上命軍機大臣傳諭惠齡與奎曰此次官兵在太白

山大梁一帶搜捕零匪頗爲奮勇現在零星殘孽  
所剩無幾官兵搜緝原不值冒險輕進但豈有任  
聽賊匪狂奔不行緊躡追剿之理該督自應飭令  
鎮將等於留心謹慎之中奮勉辦賊至派令遊擊  
成宗武帶兵趕赴七里壩等處巡防江岸並飛飭  
沿江各廳縣將江面船隻全數撤歸北岸不使竄  
匪假充兵勇混冒過江所辦甚是昨因青海番犯

搶奪之案特諭惠齡速回蘭州查辦其南山搜剿  
事宜專交興奎率令楊芳等辦理惠齡務遵昨旨  
將現在應辦機宜詳悉告知興奎並遴派得力鎮  
將等協同搜剿所有此次追剿賊匪突遇埋伏受  
矛陣亡之都司張超甚覺可惜著加恩咨部賜卹  
把總王登科外委劉秉義急前救應奮不顧身同  
時被害俱著加恩加等賜卹其在太平河緊追零

匪被水衝沒之兵丁四名著查明咨部一併加恩  
照陣亡之例賜卹

同日勒保奏言查川東一路前經探有零匪百  
餘人由大寧山內竄出經叅贊德楞泰派副將  
馬元等在雲開一帶搜捕

臣

當卽飛飭馬元等

務令自東向西窮賊所向茲據馬元等稟報官  
兵追至金定寺分路兜擊賊匪紛紛亂竄都司

瞿心能一路殲斃賊四名生擒二名守備高星  
文一路殲斃賊五名生擒三名忽山坳竹林內  
突出伏賊三四十人馬元合力奮擊殲斃賊六  
名生擒四名兵丁劉榮貴刺倒賊首李顯碧兵  
丁林倖雲余得貴朱志從等將該逆併力殲斃  
其餘兵勇各有斬獲計共殲斃賊四十餘名生  
擒五十一名有僞總兵王開聰王天才僞先鋒

薛登成等訊係黃號唐大信餘黨唐大信殲斃  
後又與蒲添賓合夥等供均卽正法又據叅將  
桂涌稟稱探得大竹所屬羅鼓漕地方有東路  
剿散零匪二十餘人桂涌派兵搜查殲斃賊七  
名生擒八名查係白號剿散餘匪又近日巫山  
八石坪一路有零匪二百餘人由楚竄來德楞  
泰現派總兵蒲尚佐帶兵截剿此股一完川北



別無餘匪其分竄馬鬃嶺之賊已有達斯呼爾  
岱羅聲臯等跟追但城口修溪壩一帶尚有田  
朝貴蒲尚佐兩路未曾剿淨之賊該一帶賊勢

零星

臣

現又添派叅將羅思舉都司周士貴幫

同達斯呼爾岱羅聲臯等搜捕又探得川東老

林有零匪百餘人竄出開縣南亞場一帶

臣

已

飭馬元移師迎剿奏入

獲後當卽飭提審訊隨據房縣知縣孫捷三委

員王斌第押解該逆前來臣查看年貌及所受

傷痕與節次獲犯所供均屬符合實係胡明遠

正身臣節次嚴訊供吐明確查該犯往來三省

抗拒官兵荼毒生靈罪大惡極臣於覆審明確

後將該逆縛赴市曹凌遲處死以彰

國法而快人心至委員試用吏目王斌第督同團

長寨勇深入叢林密箐中將積年首逆擒獲尚  
屬能事應請以本班先補如果始終出力再以  
縣丞府經歷酌量陞用房縣知縣孫捷三派有  
差役隨同偵緝該員經<sub>臣</sub>於上次

大計保薦可否俟辦理善後完竣併案給咨引

見量加陞用團長張君召本係千總頂戴此次隨同

出力應請

旨加賞守備頂戴其首先擒獲胡明遠之寨勇楊一

考應請

旨賞給千總頂戴以上二名仍各賞銀一百兩幫同

擒獲之寨勇黃國用萬公義應請

旨賞給把總頂戴仍各賞銀五十兩以示鼓勵奏入

上命軍機大臣傳諭吳熊光曰吳熊光奏探報官兵

追擊賊匪情形現在副將張瑗等所剿楚境三起

餘匪合計尚不下二百數十人慶溥一路所剿長  
冲堽賊股約七八十人吉林泰一路所剿香爐坪  
賊匪約一百餘名沿途雖俱有斬獲尚未能痛加  
翦除刻下德楞泰已移師駐楚居中督飭吳熊光  
惟當諄囑德楞泰鼓勵各鎮將務在楚就地殲淨  
不可任其折回川省卽爲了事所有督同團勇擒  
獲胡明遠之試用吏目王斌第著以本班先補如

果始終出力再以縣示府經歷陞用房縣知縣孫  
捷三俟辦理善後完竣送部引見團長張君召著  
加賞守備頂戴寨勇楊一考著賞給千總頂戴仍  
各賞銀一百兩幫同擒獲之寨勇黃國用萬公義  
著賞給把總頂戴仍各賞銀五十兩以示鼓勵

二十七日 辛卯 德楞泰奏言據慶溥等稟報有零

匪四十餘名向長冲老林竄去慶溥托爾托保

等帶兵趕剿殺賊三名直追至四腦垵又殺賊  
十餘名生擒四名餘匪滾崖跌斃者六名訊據  
獲犯陳有順等供係白號餘匪又據張瑗等稟  
報賊匪四五十人由天保寨過河向店子垵東  
奔張瑗等趕至東湖之黃柏舖分兵齊攻黑龍  
江甲兵富敏連射二賊倒斃兵勇乘勢搶上殺  
賊八名當有外委唐大德帶同馬兵周富鄉勇

吳世貴首先撲入賊叢立將賊目張三生擒兵  
勇分投剿殺又斃賊十餘名活捉十二名又據  
蒲尚佐稟報賊匪五十餘人屯於安石隴地方  
蒲尚佐等自巫山八石坪取道胡家坳老林進  
剿殺賊八名生擒六名賊匪向平頂河奔逃又  
追殺賊六名生擒五名撲河淹斃者十餘人又  
據豐紳來信探有賊匪七八十人竄至羅筐灣



老林屯踞叅將傅廷標帶兵進剿當斃賊三名  
又追殺賊四名生擒六名訊係青號餘匪內有  
偽總兵譚毓賢一名查現在楚境零匪除兩起  
入川百餘名外合計全境不過三百多人臣惟  
有督飭各路趕緊剿辦斷不敢稍有稽延再查  
此次生擒藍號首逆張三解送到營臣研訊時  
聞係襄陽口音形狀兇悍所供歷年在藍號張

士龍股內打仗抗拒情形歷歷如繪

臣

傳各營

內之新兵遍加識認有黃號龍紹周股內投出

鄉勇楊治秀一見指稱爲三掌櫃名叫張士虎

卽藍號張士龍胞弟復有副將張瑗所帶張士

龍營內投出之新兵文光乾亦稱實係張士虎

該逆見証據確鑿始行供認不諱查張士虎一

犯

臣

於嘉慶四年十月二十四日在西鄉縣所

屬大巴山之鐘家溝痛剿藍號張士龍案內生擒教首劉學仁有賊自稱張士虎力敵官兵被亂箭射斃割取首級指認張士虎是實連年以來三省各逆中亦未聞有張士虎之名不料此次生擒之犯卽係襄陽起事著名老教首逆張士虎改名張三該逆漏網多年今被生致得正國典實快人心是從前疎忽實由臣冒昧所致今

既生擒供詞毫無疑義所有將弁兵勇奮勇微勞誠不可泯臣亦不敢迴護前愆更貽欺罔重咎相應據實自行檢舉請

旨交部議處奏入

上命軍機大臣傳諭德楞額奏曰此次東竄零匪由天保寨奔逃經副將張瑗等趕至東湖之黃柏鋪將賊匪斬獲殆盡並生擒首逆張上虎等祇剩餘匪

二十餘名零星逃逸所辦甚好其首先搶入賊營  
生擒首逆張士虎之外委唐大德著賞戴藍翎卽  
以千總補用馬兵周富鄉勇吳世貴著賞戴藍翎  
卽以把總補用加賞銀二百兩甲兵富敏著賞戴  
藍翎以示鼓勵至張三卽係藍號張士龍胞弟張  
士虎德楞泰因嘉慶四年會奏殲斃實屬疎忽自  
請交部議處此可不必賊匪行蹤詭秘其姓名隨

時更變本無一定或姓名本屬相同或臨時頂名冒認其真假一時不能辨別張三一犯既據供証確鑿可見此等罪大惡極之犯

天理昭彰必不能倖逃顯戮現在零匪內似此漏網潛蹤者恐尚不少卽如勒保昨奏殲斃賊目李顯碧卽係於六年曾經奏報殲斃之李顯必曾芝秀落水後旋復上岸得生樊人傑落水時雖衆目共睹至

其身屍實無切實下落如別經拏獲殲斃俾正犯  
不致漏網卽從前奏報偶有不實功過亦足相抵  
亦可免其交議惟奏稱楚境零匪除兩起入川百  
餘名外合計境內不過三百多人趕緊剿辦廓清  
全楚等語又落故套昨曾降旨令德楞泰等遇賊  
卽剿就地殲除德楞泰身爲叅贊搜捕三省零匪  
皆其責成豈得稍分畛域此次楚境零匪入川者

德楞泰奏報百餘名昨日勒保奏巫山八石坪有  
零匪二百餘名由楚竄來是川境賊匪現已增添  
雖楚省可報肅清而川省仍不免滋擾似此往返  
追逐徒費時日於事何裨反墮賊計矣德楞泰當  
上緊搜捕將各處零匪悉數殄除勉之望之

二十八日

壬辰

額勒登保奏言竊

臣

接據稟報前

在光棍嶺剿散之賊向北逃竄奔向小星子山



叅將哈豐阿等於土保寨追及賊匪殲斃八名  
生擒十六名該匪折竄江石槽復經趕殺五名  
生擒十一名隨飭鎮將將兵勇分爲十數路每  
百餘名及數十人爲一隊冒雨前進日則於山  
巖老林搜緝夜則於各要隘路口設伏截擊

臣

所帶各兵勇搜獲活賊二十一名割獻耳記十  
二副副將蕭福祿一路搜獲活賊八名都司張

俊搜獲活賊二名朱槐何雄搜獲活賊七名王  
兆夢特依順保劉健標搜獲活賊八名耳記二  
副各處寨民搜獲活賊十一名割獻首級二顆  
田朝貴一路都司趙琴搜獲活賊八名連日共  
擒賊匪九十二名殲斃三十五名內有老教陳  
賊僞先鋒帥正才丁貴韓友僞總兵王良友掌  
櫃伍可功張澧士旗手唐文秀楊中良楊洪韓

貴等訊據供稱由四川竄陝者共有二百八九  
十人係趙元帥帶領他名叫金友小名叫年兒  
有二十七八歲是襄陽人本是高家營裡牙手  
去冬合了白號張添倫堂弟張澂士掌櫃帶的  
三四十人又合了黃白號總兵向大文先鋒楊  
開祿帶的幾十人又合老藍號杜元帥帶的十  
幾個人還有先鋒帥正才帶的戴家營一二十

人又有熊紹周的一二十人後又合了藍號李  
先鋒二百幾十人到通江又合了靳元帥的人  
就有了五六百人前在通江被大兵趕殺兩次  
靳元帥同齊頭領帶了些人轉回四川去了前  
日在光棍嶺趙元帥許總兵帶人在前打仗以  
後就沒見他們我們剩了一百多人零星散逃  
被官兵搜山拏來等語當將該犯等分別凌遲

正法又據田朝貴稱前竄祖師殿之零匪沿途  
剿獲八名現亦分搜而進又前由栗壩分竄太  
平之靳李賊目分股八九十人竄聚茱子坪羅  
思舉帶兵乘黑夜霧雨前往圍剿當經戮斃七  
名生擒二十九名查訊獲犯老教子手魏忠懷  
等供稱是藍號李先鋒帶領與趙元帥分營逃  
到山內當將該犯同子手十名全行正法王榮

魁等十八名甫經被裹當卽省釋又據總兵九十呈報按旬會哨於林內搜獲逃匿零匪二名并通江縣稟報有零匪數十人副將蕭鳳來帶兵趕及殄擒二十餘名內有賊目羅士吉又接賽沖阿來信川界零匪折竄百里荒叅將傅廷佐帶兵乘夜圍剿生縛賊目李貴等又叅將王應鳳派令守備劉洪春把總謝起鳳探悉猴子

岩老林有零匪伏匿卽派兵勇衝入戮斃三名  
生擒劉元貴等五名滾崖跌斃三名訊明係荷  
朝九股內之人卽全行正法奏入

上命軍機大臣傳諭額勒登保曰此次分竄零匪四  
散奔逃額勒登保督飭各將領分投追捕連日共  
殲擒賊匪一百六七十名並有僞先鋒僞總兵等  
所辦尙好據摺內稱該匪星散分竄隨飭鎮將將

兵勇分爲十數路搜剿自應如此辦理現在賊數已少隨路逃逸自不值以重兵追躡轉致爲其牽綴今分十數路搜捕視賊多寡兵力酌加數倍已足敷剿辦且賊分亦分賊合亦合隨其所向皆有兵追擊賊匪自無從逃匿卽如額勒登保此次派撥兵勇每百餘名及數十名爲一隊分投搜捕各有截擒零星湊數合計已共有百數十名此卽分



兵之明驗但於分辨之中亦須聲勢聯絡倘遇賊匪湊聚爲數較多我兵一經知照便可立時會合方得收指臂之效前曾有旨諭知勒保令地方官隨時巡查如果境內實無潛匿之賊卽令出具切實甘結以專責成額勒登保亦應一體遵照辦理庶地方官自顧考成協力稽查於搜捕更爲有益